

Adjuvante Supremo Numinis!

DISSERTATIO ACADEMICA

TRIGAM THESIUM  
PHYSICARUM,

EXHIBENS

Qvam,

Ex suffragio & indulitu Amplissimi Senatus  
Philosophici in inclyto & Regio Lyceo Aboënsi

SUB PRÆSIDIO,

Viri Clarissimi

Dn. Mag. PETRI HAHN,

Scientiae naturalis Professoris Ordin. & Reg. hoc tempore  
RECTORIS MAGNIFICI, nec non ejusdem Universitatis Bi-  
bliothecearii Solertissimi, Patroni & Promotoris, quicquid  
officio & animi veneratione ater-  
num suspiciendi,

Publico bonorum, Fratitorumque examini  
modestè committit

MARTINUS GRÄU J. F.

Nylandus.

Ad diem 27. Maij, Anni 1691.

In Auditorio majori, horis solitis ap-

A B O E

Excudebat JOHANNES Winter/  
Reg. Troger.

Plurimum Reverendo atq; Praclarissimo Doxino,

Nec non

Per quam Reverenda Dignitate & Doctrine Claritate  
degz Ecclesia Dei maxime meritis

V I R I S

Mag: JOHANNI GXAUA

Eclesiarum Pyttensis Elimænsisque Pastori longè meritis-  
simo, ut & Präposito ejusdem districtus gravissimo, ut Genitori  
suo sogn plus quam paterna, ita amore filialique cultu ac  
venerationis zelo, maximè colendo, devenerando.

D O M I N O

CHRISTIANO PROCOPÆO

Pastori Ecclesiae, quæ DEo in Loinjoki colligitur accura-  
tissimo ac meritissimo, Fauori, Benefactori, atque  
Affini propensissimo, omni officiorum genere  
nunquam non prosequendo.

Dn. ERICO THOMÆO,

Ecclesiae Christi, quæ in Silundo est Pastori multò di-  
gnissimo vigilantissimoque, Affini & Evergetæ, quo-  
vis honore atque officio perpetim suspiciendo,  
colendo,

Dn. JOHANNI GXAUA Juniori

Regii & incliti Gymnasii Viburgensis Vice Lectori Elo-  
quentiæ & literissimo atque perindustrio, ut Fratri suo unico,  
atque perdilecto, ita fraterno amore, & sincero  
et dis affectu aeternum prosequendo,

BODLA  
Salutem, annos, & omnigenam felicitatem!!!



Unc demum Parens admodum charissime, nec non  
Affines & Frater per quam dilecti occasio mihi  
offertur, votis à me expetita plurimis, prode-  
unte sc. in lucem, primo licet immaturo ingenii  
mei tenuis fætu, qua occasione, inquam, beneficiorum à  
Vobis mihi collatorum me nunquam immemorem futurum  
ostendere licebit. Fateor equidem hoc levissimum munus,  
quod in vestrum effundo sinum; chartaceum, illis quibus  
me excepistis beneficiis valde esse impar. Nihilominus ta-  
men, id Vestris Nominibus dicatum ire non erubesco. Si  
enim, vel Tua, Parens charissime, paterna beneficia qui-  
bus me prosequutus es, diutius in pectoris visceribus te-  
nerem clausa, notam ingratitudinis vix effugerem. Id  
ergo operam dabo, O Genitor charissime, ut illorum,  
quos mihi suppeditasti, sumptuum, Temet nunquam pœ-  
nitentia. sponsorem si velis, pro me, non alium, quam  
meipsum, qui alias tuus sum totus, interpono. Salve pro-  
inde & semper optime vale mi Pater optime, tam labori-  
bus quam canicie maxime venerande Senex! Valete etiam  
& Vos, & diu hisce terris superstites esse, Pl. honorandi  
Affines & Frater dulcissime, Viri de Ecclesia Dei multum  
meriti, meque & studia mea ut promoveatis, hoc u-  
num abs vobis contendo, oro, qui sum, dum Spiritus hos  
meos regit artus.

Pl. Reverendi Patris & Vestrarum  
Reverendarum.

Dignitatum.

Filius obsequientissimus  
Cultorque officiosissimus

M. G.

Viro - Juvēni,  
et Natalibus claro , ita literarum decore maxime  
Conspicuo , Pereximio

# Dn. MARTINO GRĀM:



Vopacto fulsit primis lux clara  
diebus,  
Principio mundi, dissēris ipse,  
tribus.

Naturam motus naturalis , violenti, &  
Quidqve Cometa siet , detegis ore  
gravi.

Gratulor his cœptis insignibus ! insimul  
opto :

Qvo possis fausto sic pede carpere  
iter !

L. Mq. gratulatur

PETRUS HAHN  
*Acad. RECTOR.*

In Juvenem

Divinarum & Humanarum Rerum  
Studioſſimum,

Dn. MARTINUM J. GRÄU  
Fautorem & Amicum per dilectum,

EPIGRAMMA.

 *Etus est manetque di-  
ctum,  
Nobis simul sciendum,  
Et posteris tenendum:  
Aliquid per omne rerum-  
Genus undecunque scire,  
Nil esse, sive summam,  
Vel eruditionis,  
Existimationis  
Aut debiti decoris,  
Seu præmium laboris  
Species salentioris;  
Nisi proferatur omnis  
Vis germinans Minervæ,  
Et Palladis perite  
Florentior catena,  
Pariter Scientiarum  
Ac Artium bonarum,  
Pariter corona diva  
Virtutis omnis alma.*

*Specimeu tuum probatum,  
MARTINE Gräu / satelles  
Nunc Regii Lycae,  
Quod publicam in cathedram  
Academie ipse profers,  
Tum pluribus probatam  
Dat eruditio[n]em  
Sat inclutam, ac in omni  
Re scibili profundam,  
Tum Singulas per artes  
Est testis haud negandus,  
Et diligentioris  
Operæ tuae in studendo,  
Et improbi laboris  
Tot scripta perlegendo.  
Hinc gratulorque cœpta,  
Preqor & Deus secundet,  
In gloriam Jehovæ,  
In commodum piorum,  
Decus & tuum ac tuorum!*

Libens apposuit

PETRUS LAURBECCHIUS  
S.S. Th. D. & Professor Ordinarius.

Viro

Viro Juveni  
Et Natalium insignium splendore, & Virtutum Litera-  
rumque pertinaci cultu condecoratissimo, Domino

# MARTINO JOHANNIS

GRÄUÅ Nylando,

Commiliti, Amico & Convictori svavissimo, Discursum  
Physicum proprio Marte contextum, evulganti,  
solerterque propugnanti;



Eu cœcus, foveas, nescit vitare, profundas,  
labitur & subito, sed titubante pede;  
Sic mens quæ cœca est, Doctrinarum sine luce  
concidit in cladem luctificumque malum.

Naturæ brutæ cognatum dedecus ingens  
est *Inscitia*, quæ solicitat stupidos.

Ast animæ nostræ cultus, *Doctrina*, decorus  
dicitur, & meritò nobilis illa cluit.

Non tam præclarum, faciem componere, Thales  
esse, refert, studiis quam coluisse animum.  
Socratis ad Juvenes monitum fuit: ut, speculo in se

Intuerentur, eo consulerentque sibi;  
Si essent insignes, generosâ & fronte venusti,  
tentarent, tales, jugiter, ut fierent.

Sed si deformes essent, obducere formam  
ingratam, vellent sedulitate suâ,

Hoc esto dictum cunctis qui sacra Minervæ  
atrectare student pervigili studio.

Singula pensiculas, solers GRÄUÅ / mente sagaci,  
Virtuti incumbens Artibus atque vacans.

Ingenii dotes præstantis, prodere nisu  
conaris magno; ceu tuâ cæpta docent.

Gratulor in tantis ausis, pariterque peropto!

Ti faustè cedant auspicioque bono!

Licer admodum festinato L. tr. mg ad gratulabar

SIMON TÄLPD Met. & Log.

Prof. Ord. Pastor Piikensis.

Juvenem splendore natalium, erudita modestia,  
& modesta eruditio conspicuum,

Dn. MARTINU M GRAU/  
ARCANA qvædam PHYSICA publica  
disputatione pudentem :



Agnum sentiscunt mortalia corda  
stuporem,  
Quando rotant secum facta stupen-  
da DEI:  
Quod totum inflammet radiis Hyperio-  
nis ardor  
Orbem: quod resonent flamina sæ-  
va noti.  
Talia qui reputat, reputat miracula  
mentis  
Æternæ, laudem quæ capit ipsa  
suam.

Festin. ex animo tamen

ANDREAS WANOCHIUS  
Phil. pract. & Hist. Prof.

Studi

Studiis & moribus politissimo Juveni  
Dno MARTINO GRÄU

Optimorum Parentum eximie spei filio,  
Dissertationem Philosophicam egregiè conscriptam,  
Edenti in lucem, & publicè ac strenue defendenti,  
brevibus hisce sed sincere gratulatur



Ethereas lustras arces cœlique tueris  
Concava, terreno mittunt quæ lumina  
cyclo,  
Circumaguntque faces, crinitos orbe come-  
tas.

Vilia sic sordent Ti GRÄU svavissime Musis  
Miles, tum tentant quæ alii puerilibus ausis.  
Hinc Te fata manent & præmia debita doctis,  
Ars tua quæ referet, virtusque merebitur ampla.

DAVID LUND.



THESES



## THESIS PRIMA.

Lux primigenia non periit.



Riusquam proprius ad hujus Thesios explicationem gradum promoveamus, non sicco (quod ajunt) pede prætereundæ, verūm paucissim saltim Tenebræ illæ (qvarum mentionem facit Moses) super faciem abyssi existentium attingendæ veniunt; cum insti-tuti simul ac temporis ratio prolixioribus hæc vetent persequi. Itaque illas ipsas absqve pomposo verborum apparatu aggredimur. Primum nos immittendo in inquisitionem, quo videlicet tempore fuere ortæ? an ab æterno? Varii varias hac de re sibi procudunt sententias: qvorum nec desunt, qvi contendunt, cœlum & terram, hoc est rudem, informem atque tenebrisosam illam molem actu extitisse, *eo ipso tempore*, quo Deus esse cœpit, ita enim ineptè loquitur Auctor quidam Libri Marcionitici apud Augustinum. Hi Suggillatores, quām injurii sint & impiè invehantur in ipsum Creatorem, attribuendo rebus hisce creatis idem initium ac harum Productori Enti increato, qvi omnis initii & finis expers est, quivis verâ religione

imbutus ingenuè profitebitur. Et quām absurdā hæc sint,  
 quivis facile intelliget, cum & ipsi Gentilium perplurimi  
 hoc negare, nec voluerunt nec potuerunt, quorum  
 etiam Epicharmi Comicorum vetustissimi, antiquam tra-  
 ditionem referentis verba hoc idem satis innuant:  
 ἀλλὰ λέγεται μὲν χάος πρῶτον γενέσαι Θεῶν. Similia multa  
 tradidere Aristophanes & Apollonius. Huic massæ con-  
 creatas statuimus tenebras, easque ex initio hexaëmeri,  
 & quidem primo primi νυχτημερίν spatio, quo mundi  
 jacta sunt fundamenta, ante quod nullum tempus da-  
 batur; sed virtute primi Dei verbi esse cœpere, (&  
 Basilio nec non Philopono dicitur πρῶτον τὸ χρόνον νῦν)  
 Non ex initio Dei, quem initio & fine carere an-  
 tea assertum est. Jam è re esse videtur, ut innotescat  
 quid per tenebras primævas intelligamus? An cum  
 Rabbinis ignem elementarem, aut cum Manichæis &  
 Marcionitis æternum principium, sive summum aliquod  
 malum Numen, quod mala condidit, & summo Bono con-  
 trarium; quod naturæ & infinitæ ejus potentiae repugnat,  
 quippe quæ duo contraria sibi mutuo essent exitio: de-  
 niq; omnis boni Auctori hoc minimè congruum foret. At  
 hæc cum non tam Physicorum quām Theologorum in  
 foro potius pertractanda sunt, idcirco illis discutien-  
 dum relinquimus. Nos non tam recentiorum Philo-  
 sophorum auctoritate, quam rationibus haud infirmio-  
 ribus, nec non recto rationis judicio suffulti, Tenebras  
 nil nisi aërem obscuratum, & obscurâ qualitate reple-  
 tum circa massam illam chaoticam fuisse statuimus.  
 Et hoc ex manuductione Textus Originalis, ubi vox  
 hæc Gen. Cap. 1. v. 2. שְׁמָן deducitur à radicie שְׁמָן  
 tenebrosus fuit, obscuratus fuit, prout explicat in suo  
 Lexico Buxtorfius. Unde liquet earum existentia, &  
 quid

quid genuinè significant. Et non video quâ ratione Adversarii vocem hanc per vim malorum Spirituum interpretentur, cum fundamento ne qvidem imbecillo innixi sint. Ulteriores enudationes harum vocularum publicæ ventilationi committimus. Jam ulterius in considerationem tenebrarum ituri, æquâ mentis lance perpendicularius oportet, an tenebrae istæ primævæ, & supra faciem abyssi, primam omnium constituerint noctem; cum pro utraque & affirmativa & negativa parte defendenda, etiam recentiorum perplarimi inter se discipient, & tanquam pro aris & focis (ut ajunt) dimicent. Harum alterutram esse tenendam necessum est, ambabus assentiri cum minimè deceat. Nos eorum judicio, qui paulò ampliorem operam, cupiditate hujus rei sciendæ collocarunt, & rationibus firmioribus inniti videntur subscribere non dubitamus, quin prima nox subsecuta tandem fuerit lucem primigeniam, adeoque tenebrae illæ primævæ noctis nomine nequaquam veniunt intelligenda, cum nox semper præsupponat luminosum quoddam corpus, quo deinde tanquam habitu suo destinatur atque privatetur, vi canonis Log. habitum præsupponi debere ab ipsa privatione. Et si fortè à me quereres: unde sint tenebrae? æquè esset ac si diceres: unde sit silentium? cui rectè respondetur, quia nemo fuit loquutus, ut disertè ait B. Jacob Martin. Colleg. 2, contra Becan. Disp. 5. Th. 24. Idem responsum ferres, si solitus fueris de earum creatione, cum satis noveris ex omnium ore, quod terminus creationis fuerit substantiarum & rerum positivarum. Hinc nil superest nisi quod sint mera negatio ipsius lucis primigeniæ, hanc vero secutæ privatio dicuntur. Frustra igitur Marius Victorinus Opuscul. prinip. Diei, dum substantivas appellat

Iat, Philosophis se irridendum propinat. Plura de his  
 scire aeventibus commendō Excell. Sperl. cum temporis  
 angustiis inclusus, institutique ratione prohibitus pro-  
 lubitu non pluribus possumus hæc persecui. Atq; hæc  
 sunt, quæ per bonā occasionem intacta esse nolebamus.  
 Quemadmodum paucis tetigimus tenebras primævas,  
 ita consequens jam est, ut properemus ad propositam  
 illam nobilissimam lucem primigeniam, quæ primus  
 mundi ornatus, prima perfectio, prima ædificii gra-  
 tia, quâ nil præstantius, nil jucundius, nil pulchrius.  
 Et quoniam cœlum & terra erant inconspicua & tene-  
 bris involuta, noluit summus Opifex hoc suum primum  
 primi diei *νέοντα* in tenebris latere; sed ut aspe-  
 ctabile foret. Ideoque primo hexaëmeri die ex nulla  
 præacente materia, & immediatè solo virtutis suæ ver-  
 bo omnipotenter produxit, tenebricosam molem sive  
 abyssum illustravit, aspectabilemque reddidit. Et (ut  
 verbis Basiliū utar) *sicut Pictores dealbatum ante parie-  
 tem colorum floribus conserunt, ita Creator ad ornatum  
 mundi properat, luce primum mundi parietes dealbat.*  
 Etiam alibi Basilius M. Hom. 2. *prima Dei vox, inquit,*  
*lucis materiam creavit, tenebras dispulit, mundum illu-  
 stravit & exhibilaravit, universis continuò gratum attu-  
 lit & jucundum conspectum.* *Sicut, qui in profundam  
 aquæ voraginem oleum immittunt, ei loco conciliant &  
 immittunt perspicuitatem.* Ita & universi Creator edito  
 mox verbo, lucis amabilem & per amēnam venustatem  
 mundo invexit. Hinc inclarescit quam apprimè necel-  
 faria quamque jucunda lux illa fuit, propter utilita-  
 tem & gratiam illam haud exiguum mundo illi per-  
 ficiendo in primis, & deinde partibus mundi perfecti,  
 soli, lunæ, cæterisque stellis, materiam illis submini-  
 strando

¶(5)¶

Arando præstitam. Ita enim sapienter & ordine ele-  
gantissimo, omnis boni ordinis Auctor cuncta exequu-  
tus est; Siquidem primo die rudem quandam mate-  
riam seu seminarium totius universi, non de sua sub-  
stantia, nec de alia sibi coæterna, quia sic æternitatis  
nectare etiam terrestria hæcce perfusa inclarescerent.  
Sed ex nihilo & quidem purè negativo non privativo,  
*quod est terminus non materia*, ut loquitur subtilissimus  
Scaliger, produxerit, lucemque à tenebris distinxerit,  
lumine inserviendo rebus primo die creatis. Alterà  
aquas superiores ab inferioribus separatis, firmamentum  
artificiosissimum inter has expandit. Tertiâ luce jussit  
aqvas inferiores & terræ commixtas congregari in suos  
alveos, suaque certa occupare loca, terram vero omni-  
genâ & mirâ florum arborumque varietate exornavit.  
Quarto die cœlum luminaribus, quinto aqvam piscibus,  
aërem volatilibus, sexto denique terram animantibus,  
& postrem omnium animantium Principe condecora-  
vit, adeò ut per sex illa *νυχτίμερα* absoluta sit totum  
creationis opus. Hæc omnia & singula utut sapienter  
sint condita, non tamen desunt qui Creatorem confu-  
sionis arguere sustinent; ideo quod confusum chaos pri-  
mò considerit. Nos iis reponimus Deum eo ipso or-  
dinis non confusionis esse Auctorem se demonstrare, ut  
fatetur Altingius; Siquidem ordo hic sit, ut fiat pro-  
gressus à non esse ad esse, ab imperfecto ad perfe-  
ctum, ab inanimatis ad animata, à vegetabilibus ad sen-  
sitiva, à brutis animantibus ad hominem animal intel-  
lectuale omnium visibilium creaturarum nobilissimum:  
unde nec creatio confusa, sed opus creationis rude, ir-  
digestum, indisponsum, & imperfectum dicenda est.  
Grates igitur debemus ordinis Auctori gratam quod no-  
bis commendare voluit *εὐτέλιας*.

Optimo jam nobis commendato usu, ordinè pariter elegantissimo hac an sâ intellecto (in quæ, ut priora mentio incidit) è re esse videtur paucis de variis hujus explicationibus & sententiarum divortiis agere, quod facturi obviam imus primò menti statuentium, per lucem Intelligentias aut etiam animas venire intelligendas, cum harum invisibilium & spiritu-alium munus sit, non discriminare diem à nocte: Ubi tamen Textus Sacer innuit creationem rerum corporearum & visibilium, ideoque proprietati literæ adhærendum. Deinde nec assentimur *Daneo* elementum ignis fuisse afferenti; quia ignis officio non convenit dare discriminem diei ac noctis, sed calefacere & urere, quod primaria ejus affectio est. Præterea improbandus est sensus *Pererij*, propugnantis lucem solis imperfectam. Cum lux solis sit accidens, accidens autem nunquam prius suo subjecto, & sine eodem non datur: multò minus fuit ipse sol, quia is quarto demùm die conditus fuerit, & expansum solis subjectum secundo die. Si verò confugerint ad aquam tanquam suum a-sylum, objiciendo nobis eam fuisse subjectum, uti *Kec-kermannus* vult; perspicuitatem & pelluciditatem in parte quadam aquæ subtiliori. *Cornelius à Lap.* exi-stimat, Deum lucem producturum ex aquis abyssi con-densasse instar crystalli corpus orbiculare, eique lucem hanc indidisse. Tuni facile patet hoc sibi constare non posse: quivis enim videre potest aquam nil commercii habere cum luce, non ex aquâ sed ex tenebris lux evo-cata est 2. Cor. 4. quæ etiam post separationem aquarum secundo & tertio die luxit, & quales absurditates inde sequeretur, ipsæ horum sententiæ primo intuitu produnt, itaque eas tacemus. Porro nec fuit lux alterius se-

us seculi sive beatorum, cum illa sub nomine diei venire  
 nequit & què ac hæc, sicut expresse Gen. i. v. 5. legitur:  
 וַיֹּאמֶר אֱלֹהִים לְאָור יוֹם  
 Denique suffragari neminem credo non-  
 nullis Pontificiis: accidens fuisse sine aliquo subjecto,  
 quod non solum contradictorium; verùm etiam tan-  
 quam maximum numeratur inter sex illa Peripatetico-  
 rum absurdia. Nec ab omnibus etiam *Pontificiis* appro-  
 batur illa statuminatio, sed à qvibusdam eorum rejici-  
 tur atqve damnatur, cum vix obtineant, qvod inten-  
 dunt, nempe figmentum transubstantiationis, per hoc,  
 qvod dicunt lucem fuisse accidens non *essentia* sed *iden-  
 titas*. Ast tædet & nos omium horum Senten-  
 tionariorum delirationes recensere, & Te Lector  
 Candide forsan offendimus Tibique nauseam facimus.  
 Unicum tantum postremò addere placet Bonifrigerii affer-  
 tum: qui omnem navat operam, quò evincere queat,  
 qvod lux primitus creata fuerit accidens, non in certo  
 & peculiari aliquo subjecto; sed ut modò hoc, modò  
 aliud agnoverit subjectum, Scilicet prima die aquam,  
 altera aërem, tertia cœlum, & ita successivè in diversis  
 partibus sive subjectis ab ipso Creatore produci debuisset,  
 quod *āτοπον*. At, qvoniam nervi artusque sapientiae sunt  
 nil temerè credere, propterea non hujus vel illius autori-  
 tati ita sumus addicti, ut in verba ejus juremus, aut Ari-  
 stotelem, Socratem vel Platonem contra veritatem de-  
 fendamus (magis cum Ipsiis nobis amica sit veritas) nec  
 absque rationibus temerè eos deserea. Nos huic sen-  
 tentiae tanquam omnium verissimæ calculum addimus  
 Deum T. O. M. in principio & quidem primo hexaë-  
 meri die procreasse lucem non accidentalem, qvalis lux  
 in genere utpote in sole, & stellis, verùm specialem,

corporēam, substantialem accidenti conjunctam; quippe  
 omnium ori inest quod fuit terminus creationis. Hoc  
 corpus luminosum, solo Dei verbo ex nihilo negativo  
 productum, erat instar aëris diffusum suis tamen ex-  
 tremitatibus ita determinatum, ut non una vice totum  
 illustraret globum, sed motu & impetu suo naturali,  
 non à moyente aliquo extraneo, non emissione aut  
 contractione radiorum universi partes per vices illu-  
 minaret, accessu diem, recessu noctem inducens, &  
 per primum secundum ac tertium diem vicaria solis  
 extitit: ut eam appellat *Sperl.* Circa hanc occasio-  
 nem non possumus non animadvertere, quod *Dann-  
 baverus in Colleg. Psycholog. Disp. 3. Controv. 2. pag.  
 84. & seq.* denegat luci ἡρωνεῖσι ipsum corpus cum  
 nullibi locorum fuisse repositum, nec supra aut in-  
 fra cœlum; latuit enim sub aquis primo die, nec in  
 medio aquarum fuisse infixum, cum aquæ non fuerint  
 divisæ primo die *Gen. l. v. 4.* addit vero ejus subje-  
 ctum fuisse uti nunc aërem, ita ibi aquæ superficiem.  
 Neque penetrare lucem densam illam aquarum abyssum.  
 Hic responsu licet difficile sit, hoc tamen asserimus:  
*modus quamvis* in ejusmodi abstrusis atque arduis rebus  
 nos lateat, rem tamen ipsam ideo negare integrum non  
 est, à negatione intellectus nostri ad negationem rei non  
 valet consequentia. Qui potens erat locare ingens &  
 vastissimum istud corpus chaoticum, quomodo & ubi  
 placuit, quidni etiam constituere potuerit alterum istud  
 corpus lucidum, illustrans primis tribus diebus rudem  
 istam molem etiam post firmamentum jam conditum,  
 & terram ex ipsa aqua productam. Sed quo devolvi-  
 mur? ē diverticulo in viam redeundum est, videlicet, ut  
 asserto nostro, lucem primævam non periisse, vim &  
 robuc

robur tribuamus, qvod fiat commode in animadversione argumenti, instantium lucem hanc resolutam in aquas: quod vix & ne vix quidem firmiori ceteris stat tali, quoniam Sacræ Pandectæ ne apicem quidem de hoc indigent, nihilque omnium quæ fecit planè & totaliter in aliam speciem transmutavit. Cui Quælo usui inserviret lux? Et quem intenderet Creator finem, nisi quod præcesset primis tribus diebus, non modo non etiam materia apta esset θερμάτων quartæ diei. Aqva jam sibi assignatam perfectionem accepit, quoad quantitatem, qualitatem, & locum, remanente adhuc postea luce per νυχτημέρινο temporis spatium, itaque non opus fuit ipsis amplius aliquid addere. Impium etiam ac temerarium fore dicere, Deum unam à se semel productam speciem, rursum permutasse in aliam, effectus namque fuit causæ suæ Efficienti probatus & bonus, sequitur jam eam fuisse conservatam; si conservata manuit, conservabatur utique lux ista vel perfecta, vel imperfecta: At non perfecta, quia si completa fuisset, seorsim cerneretur in mundo jam perfecto, adeoque referretur vel ad Angelos, qvod fallit, quia sunt immateriales, vel ad cœlum, sed & illud male, quia istud naturâ non lucet; vel ad elementa, & pariter ineptè; quia terræ indolem non agnoscit, aquæ non novit, aëris neque recipit, verùm etiam naturam ignis subterfugit. Vel demum referretur hæc lux ad planetas vel ad metalla, vel ad animantia, qvod quam absonum foret, mea non refert pluribus dicere. Ergo ultimo imponit naturæ ordo & cogit necessitas, ut frustra tentatis singulis, referatur hæc lux ad stellas, & inde ad solem ceu imperfecta, ac materia quæ quarto demum die in productione solis, debitam indepta est perfectionem; adeoque cœlum condensatum

sive densiores cœli partes materia non sunt, cum non locatio, nec positio, neve ipsum continens inferat materiam, ut differit beatus *Sperling*. quem adeat, qui pluribus explicari hoc gestit. Diversitatem lucis quod attinet, nec illa diversitatem materiæ probat, quia diversimode lucem tractavit Creator, aliter eam disponendo in sole, aliter in luna, aliter etiam in ceteris stellis. Atq; ita quadantenus evictum speramus, sidera constare luce primæva, tanquam genuina sua materiâ, formâ licet constent propria naturali atque specifica, ea informante, suumque esse, distingvi & operari dante, quæ nova ipsis quarto die est imposita atque superaddita. Plura quidem à nobis dicenda aliquis proper materiæ nobilitatem postularet; sed necesse est verbis à *Rungio* prolatis, hanc Thesis claudere: *Quenam ejus ratio fuerit per omnia explicari nequit,*

### THESIS SECUNDA.

### Cometa non est Species mundi.

**S**ic probatum ivimus lucem primigeniam non periisse, & quidem paulò ampliori operâ (cum materiæ nobilitas & præstantia id exigeret) devolvimur jam, utinam felici successu! ad alteram hanc positionem juxta institutum nostrum, expendendam, idq; brevitate, quâ fieri potest maxima. Et quoniam Thesis hæc prior non minus est controversa, & infinitis sententiarum divortiis scatens: cum per tot secula de Cometiis jam disceptarunt & Physici & Mathematici, nec tamen quis sibi de eo gratulari audet, qvod accuratori ceteris cunctis indagine, in omnibus sibi rem acu tactam habeat: Ideoque temeritatis notam nos non subituros putamus, si cum Eruditis quibusdam, veritatem è profundo puteo extra-

trahentibus, præsumemus cometarum causas in iis, quæ fieri possunt & explicationi non abnuunt, leviter tangendas, quæ verò explicationem fugiunt, nec nos ignorati profiteri erubescimus, sed utimur hac in parte ipsius Aristotelis excusatione, qui de Cometis dicturus, ita præfatur: περὶ τῶν ἀφανῶν τὴν αἰσθήσει γομίσομεν οὐκανόντας ἀποδιδεῖχθαι κατὰ τὸν λόγον, εἴ τις τὸ δυνατὸν ἀναγάγωμεν. &c. Qvod facturi attendamus oportet I. Causam Efficientem, Solum Deum Creatorum in secula laudandum! quippe Qui Agens est Liberrimum, & non impeditur, quin amplius agat in terrorem & commonefactionem nostri, sive in æthereo sive in elementari orbe, nullis n. naturæ vinculis obstricta est Divina Majestas; Sed cum vult sistit aquam fluviorum & vertit sidera retro:

Hac potuit solis currus inhibere volantes,  
Cum populi Israël Dux Josua sterneret hostes,  
Hac potuit solis sine luna extingvere lumen,  
Cum suus est factus pro nobis victima Gnatus.

Hic non licet confundere causas primas cum secundis: licet Eclipses lunares, conjunctiones planetarum, oppositiones, &c. sint à natura, quæ sine Deo non agat, & vice versa: tamen à ratione operis ordinarii, ad rationem operis extraordinarii, argumentari haud licet. Edebat olim, edit nunc, & edet deinceps miracula, uti Ipse de se testatur in Evangelio: & erunt signa in sole, luna, & in stellis. Et rursus: dabo signa in cœlo sursum & prodigia deorsum. Nulla hic vis in tota rerum natura reperitur, quâ nova hæc species producatur: sed qui primitus species ad mundi integratatem constituendam creavit, is postmodum etiam species, universi hujus ruinam atque interitum significaturas formavit. Individuorum generatio, opus est naturæ naturatae: at specierum productio, naturæ naturantis.

Tycho-  
Brahe  
Lib. I. p.  
584.

Multis pariter aliis rationibus hoc ipsum probari posse in confessio est, ideoque non immerito cum Aristotele evertimus *Anaxagoræ & Democriti* sententiam, qui crediderunt congressionem plurimorum Planetarum, in locum cœli vicinum, propinquitate & quasi mixtura lucis, unius stellæ oblongæ figuram efficere, idque rationibus Aristotelicis evidentissimis, quarum unam alteramve placet adferre (α) Errantium stellarum numerus, cum ignotus non sit & congressus earum, cum in multos annos, certos dies, & horas prædicti possit; nullus tamen unquam Mathematicorum adeò fuit peritus, qui præmonere homines de certo die potuit, quo crinitam stellam visuri sint, (β) Cometæ apparent cum omnes planetæ, vel manè vel vesperi supra horizontem conspi ciuntur, & longissimis sèpè locorum intervallis a se disjunctis. (γ) Stellæ errantes semper suis motibus peculiaribus vel antrosum vel retrorsum feruntur, etiamsi illa conjunctio, est vicinitas stellarum permixtione lucis suæ, ut formam cometæ effingere possit: tamen illa species crinitæ stellæ, esset paucissimos dies duratura, cum cometas eadem figura & magnitudine, aliquot menses integros, interdum fulgere cernamus. Hisce *Democriti* opinio tanquam vero dissimilima prorsus est explosa.

2. *Materiam*, ex quâ stellæ istæ insolitæ producantur, quam quidem certam dare non possumus; (cum nos cunctos mortales lateat:) præter quasdam sententias, quæ opinabili conjecturæ potius innituntur, quam certæ experientiæ, utpote: non desunt qui Aristotelem secuti, judicant cometam esse *absentia avariū* sive ut Plutarchus ex Aristotele refert Lib. 3. de pl. Phil. C. 2. τὴν ἐκτὸς ξηρὰς ἀνατυπίασθε διάνυσσον. id est, exhalationem siccām & terrestrem in aëre

aëre accensam, & propter copiam materiæ diutius ardentem. Alii existimarunt cometam esse unam ex errantibus stellis, perpetuò durantibus, cuius talis sit motus, ut rarissimè à sole digrediatur tam procul, ut conspici possit, ideoque propter longissima & maximè inæqualia occultationis tempora, motum ejus observari, & conspicere non potuisse, quorum sententia subscribit præcipue Ipse *Pythagoras*. Nonnulli cometam nec stellam, id est, corpus cœleste & simplex, nec halitum flagrantem volunt esse, sed exhalationem subtilem, lucentem à lumine solis, per radiorum refractionem. Qvibus suffragari non dubitat *Appianus Mathematicus* ille alias celebris. *Tycho Brahe* Excellentissimus Mathemat. propugnat fuisse materiam quandam juxta viam lacteam, sive substantiam quandam cœlestem à materia reliquarum stellarum non discrepantem, ibique circa galaxiam adhuc conspicere hiatus quidam instar semiplenæ lunæ, unde desumpta sit illa stella, quem nunquam extisse, ante hujus stellæ ortum se recordari dicit, & per consequens, non obscurè insinuat stellam hanc ex eadem, quâ galaxia, substantia conformatam esse. Patrum sententia non alias incommoda videtur, quam quod excludat causas mediaque naturalia, per quæ Omnipotens Deus ordinariè operatur omnia in creaturis. *Chald.* & *Stoic.* statuminatio nec meretur applausum, quæ novas has stellas corpora perpetua primâ creatione, cum reliquis stellis condita, faciunt, atque tum demum cerni, cum ex alto vertice in inferiora descendunt. Perplurimorum aliorum opiniones: quorum alii recurrent ad materiam elementarem, quidam ad lucem primigeniam, quidam meteorum emphaticum, quidam rursus hypostaticum esse volunt, hic jam enumerare supersedemus.

Adoriamur jam unam vel alteram allegatarum examinandam, & quidem primam *Aristotelis Scilicet*: Ast quam inconveniens ejus sententia sit, ut ut tot jam seculis pro authentica habita, paucis hisce subsequentibus dispalescet. Si namque halitus viscosi, siccii & terrestres in aëre accensi, essent materia, tum profecto stella illa non foret durabilis, sed cito & periret, & in fumos resolvetur ac deflagraret; quod satis constat ex ignis & sulphureæ ejusmodi materiæ oxyssimèflammam arripientis natura, cumque tamen cometas per longissimum temporis spatum durasse, ex historicis antiquioribus & recentioribus satis inclareat, uti ex cometa anno mundi ter millesimo septingentesimo, nonagesimo quinto: Anno v. ante natum Christum Salvatorem, centesimo Sexagesimo octavo, *Mutio Scævola & Posthumio Rome Consulibus*, per quinquaginta quinque septimanas continuas coruscante. Pariter ex cometa, anno Christi septuagesimo primo (alii sequenti anno hoc factum esse assertunt) Vespasiano Imperatore regnante, cometagladii figuram referens, in dodecatemorio virginis in cœlo, Azymorum die, qui mensis Aprilis octavus fuit, per integri anni Spatium supra urbem Hierosolymam viso. Deinde si fuerint exhalationes terrestres & viscosæ, causa, tum stella ordinariæ & post certum temporis intervallum, congregatis denuò exhalationibus cerneretur; posita enim causa naturali necessariò ponitur effectum; sed non servat justum intervallum, quia interdum tempus decem pluriumve annorum effluxit, absque ulla visione ejusmodi stellæ, interdum duo cometæ in uno eodemque anno sese nobis spectandos obtulerunt. Denique nullum haberent certum motum exhalationes illæ accensæ, verum huc & illuc in aëre instar nubium alias

rum

rumque flammarum vagarentur, cum tamen stellæ hæ  
 suo modo circularem, continuum, & regulari admodum  
 congruentem habent cursum, & eandem ferè per ali-  
 quod tempus retinent magnitudinem & figuram cor-  
 poris, qvod exhalationibus propter novæ materiae, magis  
 minusve acensæ adventum, planè inconveniens esse vi-  
 detur. Postremò injurius est Aristoteles in Ipsum Au-  
 ctorem cometarum, derogando ipsis certum & pecu-  
 liarem effectum, certis & naturalibus adhibitis causis,  
 cum tamen omnium temporum memoriae, & experi-  
 entia, satis superque edocent, nullum cometam adhuc  
 inanem præterlapsum, qvin semper aliquid importet,  
 prælagiat, atque portendat. Pythagoreorum sententia: el-  
 se stellas perpetuas, plausibilior est, & multos etiam  
 Doctos movit, ut eam probabiliorem judicarent, quam  
 Aristotelis: At, nec illam mereri calculum, multa ar-  
 gumenta probant, quorum paucissima tantum pestrin-  
 gemus. Quippe si daretur ejusmodi stella caudata per-  
 petua, quare suam formam, magnitudinem, claritatem,  
 colorem, rationem motus, durationem toties mutat &  
 deperdit, quoties à sole digressa, terris se conspicuam  
 præbet? an cum vero congruum sit, ullum coeleste  
 corpus tam varias ae dissimiles mutationes recipere,  
 quales in figura cometarum, & aliis accidentibus de-  
 prehendimus? & si ita est quod habet Aristoteles, ali-  
 quoties eodem tempore plures cometas simul apparu-  
 isse, manifesta experientia sententiam hanc revocavit,  
 quod unica stella sit cometa. Sed dicant plures esse  
 dissimili figuræ & magnitudine, ejusmodi crinitas stel-  
 las, quarum jam hæc extra solis radios excurrat, jam  
 alia, ut nunc hanc cladem, nunc aliam terris prænun-  
 ciet. Ita dicendum est de illis proximis effectibus, quos  
 &

& Auctores fide dignissimi scribunt, & pérpetua experientia testatur, esse omnium cometarum proprios, scil. pérpetuas ac inusitatas siccitates, flatus vehementes, morbos, & quæ illos comitantur. Cur has res efficiunt tunc demum, cum à Sole longius discedunt, & non similiter, quando sunt cum ipso conjuncti? Saturnus ὑπαύγος frigus auget, Mars ὑπαύγος æstum incendit. Sic & plejades, hyades, asselli, tunc efficacissimè tempestates cident, cum latent sub radiis solaribus. Cur igitur non occultæ illæ stellæ, vires suas exerunt in exsiccando aëre, excitando flatus vehementes, & terribiles, nec non morbos pestiferos, quando sub radiis solaribus latitant simul cum sole oriuntur & occidunt, cum eo cœli fastigium descendunt, & ad imum cœli demerguntur. At huic stellarum perpetuitati experientia aperte reclamat, quam etiam Aristoteles allegat, quod plerique cometæ evanescunt, priusquam ad solem adeo propè redierunt, ut radiis & fulgore ejus occultari possent. Oportebat autem si veræ stellæ essent, eas semel digressas à Sole, conspici perpetuò, donec ad solem reversæ, contra radios ejus sese abderent & ὑπαύγοι fierent, sicut Venerem & alios planetas, semel extra radios solares egressos, cernimus perpetuò, aut manè aut vesperi, donec ad solis viciniam regressi, vi lucis fulgentius occultantur. Verum cometæ longissimè dum adhuc à sole distent, minores evadunt, moxque visui se planè subducunt. Sed valeant reliqua illa argumenta, vix refutatione operosâ digna. Nos ut supra, inculavimus: sicut effectus cometarum Deus sibi soli præcognitos habet, ita materiam ad horum productionem cunctos mortales latentem adhibet. Hinc ut avertamus & evertamus objectiunculam hanc nobis obviam se fert occasio: Deum cessasse à creationis opere, ideoque

ideoque ad hujus stellæ productionem non concurreret ut causam quam primam, sed adscribi posse potius causis propriis & naturalibus. Verum facilis est responsio ad illam: cum distingvimus inter species mundum constituentes seu integrantes, & res inusitatas, extraordinarias, & non facientes ad ejus integritatem & perfectionem. Cessavit quidem Deus ab ejusmodi speciebus de novo creandis, quæ mundum ulterius perficerent, interim non ademit sibi vim atque potentiam ad agendum contra communem naturæ cursum, excitandumque talia signa & effecta, quæ non modo non aperirent nobis Dei iram & impendentia mala, juxta illud P/al. 136. v. 6. Quicquid placet sibi Jehovah facit in cœlis & in terra, per mare & omnes abyssos; sed etiam commonefacerent nos, ut desisteremus ab ejusmodi perpetratis malis, & precibus pœnitentiaque seriâ eum rursus mitigaremus. Mundus enim, licet nunquam visi fuissent cometæ, æquè perfectus fuisset ac primitus creatus fuit, & jam adhuc hodie est; & dicere novas Species adhuc subinde creari, temerarium & impium est, quasi Omnipotens Creator non posset omnes species ad ejus consummationem in initio produxisse, quod minus adhuc hodie necessum habeat ad ejus integrationem aliquid addere. 3. *Formam*, quam peculiarem & specificam habent, nobis etiam ignotam, quæ cometis largitur suam essentiam, suas operationes, affectiones, & ut per eam ab aliis distinguantur: & si evictum est, materiam cometarum non esse halitus siccios, pingves & viscosos, in summa aëris regione pendentes, tum nec flamma loco & nomine formæ venire potest secundum Aristotelem. 4. *Finem*; qui quidem ponderolus satis est, nempe prænunciare mala futura, ut homines ejusmodi signis commonefacti de

suis peccatis iram Dei extimescant, ac seriā contritionē  
 ac poenitentiā ad Deum convertantur, & ardentissimis  
 precibus contendant averti aut mitigari tantas sibi de-  
 stinatas pœnas. Effectum cometarum omnium hominum  
 sagacissimus investigare & prædeterminare non potis est,  
 cum nulli revelatum sit, sed soli Deo notum. Semper  
 tamen aliquid certi & rari cometen significare atque por-  
 tendere, si non ut causas, tamen ut signa, divinitus ad  
 iram Dei adversus peccatorum delicta denuncianda li-  
 quidò constat, siquidem omnium seculorum observatio  
 & experientia testantur, nullum unquam cometam impunè spectandum se exhibuisse, quin magnæ mutationes  
 in imperiis tristes & peculiares eventus subsecuti fuerint,  
 utpote: Excellentium Imperatorum, Regum atque Prin-  
 cipum inopinatae mortes, bella atrocissima, & per benè  
 longum tempus duratura, annonæ caritas sive miser-  
 rabilis famæ, grassantes & violenti morbi, utpote  
 pestis, & alia contagio plena, nec non siccitas, &  
 æstus intolerabilis, & innumera ejusmodi alia, ut re-  
 cè dicit Camerarius: exarxit nusquam sub cælo impunè cometes, nec non Plinius: Cometa totum annum seu  
 quentem suspectum reddit. Pontano cometa appellatur,  
 Dirum mortalibus omen. Philippus Melanchton canit:  
 Nulla ètas vedit flagrantem impunè cometen,  
 Non leve venturum nunciat ille malum.

Adhuc Pontanus præclare ait:

Ventorum quoque certa dabunt tibi signa cometæ,  
 Illi etiam belli motus, feraque arma minantur.  
 Magnorum & clades populorum & funera Regum,  
 Ut cum seu cæli occasum seu solis ad ortum  
 Extulerint caput infelix & crine minaci,  
 Horrendum late implevit terroribus urbes.

*Si steterint certoque loco vestigia figent,  
Finitimi bello invadent, civiliaque arma  
Fedabunt socias cognato sanguine dextras.  
Sin ortum tendent versus peregrina moveri  
Bella scias hostemque extremis affore ab oris.*

Exempla pariter multa cumulari possent ad probationem eorum effectuum; sed cum ipsamet credo cuius obvia esse, idcirco etiam ad vitandam prolixitatem ea lubentes præterimus. Obtinuimus jam contra *Aristotelem* ejusque *Asseclas* cometam non esse μετεωρον qvoddam igneum, sed stellam: Itaque nec largiri illi possumus locum cometarum esse supremam aëris regionem, cum nulla stella unquam adhuc in aëre visa sit; sed locum ordinarium facimus ipsum cœlum, qvod omnium stellarum propria sedes est, prout nobiscum hoc asserit *Cardanus*: & satis inclarescit ex ipsius figura, duratione, & motus regularitate. Si μετεωρος esset igneum in aëre, tum non servaret eandem magnitudinem, cum pro materiae magis minusve incensæ adventu, jam major jam minor foret, & omni motus regularitate planè destitueretur, exemplo etiam aliorum meteororum huc & illuc aberraret, qvam aberrationem in cometis reperire non licet, propter motum reliqvarum stellarum gyrationibus maximè congruentem, legesque earum observantem, imitando earum regularitatem, & absolvendo circuitu suo globum terraqueum viginti quatuor horarum spatio. Denique concesso hoc, cometas esse exhalationes incensas in aëre, tum repentinae essent, & ab omni duratione alieni juxta illud *Seneca*: *Quæcunque aër creat brevia sunt, nascuntur in re fugaci & mutabili.* Qvomodo enim potest in aëre idem diu permanere, cum ipse aër nunquam idem maneat? fluit

semper & brevis illi qvies est. Nunc pluviis plenus, nunc inter utrumqve varius. Nubes ex illo conflatae mox in illam resolvuntur, & disperguntur, nullam admittentes qvietem. Id quoqve videre est in aliis mete-oris, qvalia sunt, trajectiones, trabes, clypei ardentes, chasmata, globi ignei, fulgetra, fulmina, & similia, qvæ citissimè deflagrant, & tanqvm ignes certi in corpore vago sedere neqveunt. Atqve ita discussis, qvæ assertum nostrum solicitare videntur, aggredimur tertiam, utinam fausto omniē thesin! sit itaqve.

### THESIS TERTIA.

Aer in motu naturali est causa velocitatis in fine, & in motu violento celeritatis ab initio.

**H**æc positio, utut plurimis laboret difficultatibus ob perplexas utrobiq; opiniones; nihilominus tamen utilitate & elegantiâ, eam quam maxima scatere nullus sanus dubitet: quippè omnibus fermè rebus & præprimis animatis non parum inservit aër, variarumque mirandarum rerum & mutabilium stat causa, accuratam itaque & amplam meretur expositionem. Sed quoniam in duarum hisce antecedanearum thesium evolutione præter institutnm & opinionem paulò prolixiores fuimus: eapropter sequentia intra angustiores coercemimus limites, & tribus, quod ajunt, verbis ea enodabimus. Prius quod attinet Thesios membrum: *tardiorēm esse motum naturalem in initio quam fine*; tum vexatissimum est, & varietati sententiarum obvium. *Simplicius* omnium primò facessit nobis negotiam, dubitaudo & simpliciter ferè negando: *motum naturalem propè si nem velociorem esse, quam in principio*, cum nemini hoc

compertum esse ait: quem concinnè satis refutat *Strato* discipulus *Theophrasti*. Deinde *Hipparchus* adstruit, motum naturalem præcedere violentum: quod enim movetur, dicit, naturaliter deorsum, prius fuerat motum & projectum sursum: quare cum revertitur deorsum, vis illa quâ sursum projectum fuerat, debilitatur atque minuitur, & quia propè finem vis illa est maximè fracta & remissa, idcirco motus tunc existit celerior. Præter hos in promptu est opinio perhibentium, nil nisi ipsum medium in causa esse, per quod fit motus, quod in primis tanquam magis superandum resistit rei, quare cum in fine motus, minus restet medium superandum & disjiciendum à mobili, ideo tanto facilius tunc potest effici motus, quam in principio. Aliqui hanc amplexi sunt sententiam: quod locus iste fuerit non naturalis, à quo motus naturalis inchoatur, cum quisque locus non naturalis ipsum mobile inficerit contrariis qualitatibus, per longiorem ab eo recessum, & propriorem ad naturalem accessum collabescitibùs. Alii rursus virtutem motivam ex appropinquatione mobilis ad locum suum naturalem magis confortatum & corroboratum iri statuunt. Denique etiam nonnulli ipsi medio, aëri videlicet, hanc causam adscribunt, tum ei, qui terga lapidis subsequitur retrò impellens atque protrudens lapidem, tum etiam ei, qui à lapide descendente propellitur, & ad anteriora promovetur, unde fit, ut quia in fine motus naturalis, aër est maximè commotus & dissipatus, ac proinde ad resistentiam minus idoneus, tum motus naturalis velocior atque vehementior evadat. Has præter alias sententias præcipue enumerat *Pererius*, quibus quinque prioribus etiam prolixissimam subjunctionem habet refutationem, sextam vero approbat & defendit, quam etiam nos calculo nostro dignamur; ita

tamen ut brevissimis nos expediamus rationibus. *Weinrichius de Monstr. Cap. 5.* Quærit quo sensu id probari potest, tardiorē in principio, in fine velociorē esse motum hunc naturalem, & quānam varietatis ratio in eo motu? argumentum sumit ex uno eodemque pondere sive gravitate in lapide, quam nec augeri nec minui afferit. Sed si peccare nos non speremus in tanti hujus aliorumque magnorum virorum auctoritatem, diceremus eos ex ignorantia causæ & rem & sensum ipsum negasse, nam licet quoad sensum τὸ διότι latere & solicitare nos videtur, sensu tamen τὸ ὅτι hoc comprobare non adeò est difficile. *Ex ignoratione etiam intellectus, ad rei negationem non valet consequentia.* Exemplo sit nobis lapis, qui ex alto dejectus in initio descensus sui est multò tardior quam in fine. Causa hujus motus est forma seu principium internum activum lapidis, quæ forma per ipsam gravitatem, tanquam per medium quoddam petit centrum (juxta illud: *omne grave remoto obstatculo deorsum tendit*) aëremque utpote corpus subtilius, tenuius, & ad resistantiam minus aptius, premit, quassat, dividit, viamque descensus sibi parat. Ast quærat quis: unde illa tarditas major in initio quam in fine, & quānam ratio? causa tarditatis quærenda est in ipso medio, per quod fit motus, quod est ipse aér, cuius natura est, ut paululùm extrinsecus motus, deinceps etiam per se vehementius fluctuet & agitetur, adeoque ea quæ in se continet corpora, nisi fortè sint immobilia, propellat. Quod inclarescit ex aquâ, quæ vel exiguo quodam ligno mota, fluctuat & agitatur, aliasve res innatantes propellit, cur ni ejusmodi agitatio fiat in aëre, qui aquâ longè subtilior est atque tenuior? corpus enim subtilius & levius cedit Crassio.

crassiori. Sic lapis disrumpit atque secat aërem quietum  
 ac resistentem, cuius motæ ac dissipatæ partes unionis  
 amantes, magno impetu ad unionem ruunt. (*natura  
 enim unionem amat divisionem abhorret*) quod dum fa-  
 ciunt, concursu suo vehementius protrudunt mobile,  
 cumque ad vim lapidis motivam accedit aëris impul-  
 sus, duplicatis sic motus causis, augeri descensus velo-  
 citas incipit: lapis igitur celerius per aërem motus &  
 vehementius concitatus, aërem quoque magis magisque  
 pellit, qui vehementius pulsus, rursus lapidem vehemen-  
 tius propellit, atque sic deinceps usque ad finem mo-  
 tus. Unde palam est in fine motus lapidis, motum o-  
 minum esse velocissimum, cum vehementissimè pulsus  
 à lapide aér, eundem lapidem vehementissimè propellat.  
 Ita enim movens & mobile in eo motus vicissitudinariâ  
 & mutua in motu continuando utuntur operâ, & alter  
 alteri auxiliares præbet manus. Hæc jam est ratio experi-  
 menti istius, cur lapis ille fortius & acrius subjectam ma-  
 num vel caput lædit, qui è sublimi decidit loco, quam  
 qui ex humiliori. Licet etiam ex uno eodemque loco,  
 tum ferit magis is, qui circa finem, quā qui circa descen-  
 das initium, nisi sit justò majoris molis, cum intelliga-  
 mus lapides unius ejusdemque ponderis atque gravita-  
 tis, gravitas namque est causa motus, quod deorsum ver-  
 gat, non tamen est causa varietatis motus; quod jam  
 velocius, jam tardius moveatur; sed neque una eadem  
 que causa gravitatis infert effectum seu motum semper es-  
 se eundem atque æqualem, alia enim hic incedendum  
 viâ, nempe ad diversitatem medii, quod motui naturali  
 ab initio adversatur, in fine favet & obsecundat. Multò  
 facilius cursitant homines per aërem, quam per aquam  
 quantumvis limpidissimam. Navi etiam variū habet  
 motum

motum in aquâ salsa seu crassiori, varium in dulci seu  
 limpidiō & leviori. Sed dum loquimur de motu natura-  
 li, non possumus non recordari eorū, qui argumentantur  
 de motu naturali stellarum, dicentes, stellas non esse  
 tardiores in initio, in fine velociores, cum constantissimo,  
 æquali, atq; regularissimo moveantur motu. Verūm faci-  
 lē res patebit, dum distingvimus inter motum circularem  
 stellarum, & rectum corporum gravium, de quo po-  
 steriori nobis est sermo: stellæ expertes sunt omnis gra-  
 vitatis, omnis levitatis, calditatis & frigiditatis, medi-  
 umq; semper habent uniforme. Eādem facilitate respon-  
 deri potest ad objectionem de motu naturali animalium,  
 cum discernimus motum pure naturalem, à naturali se-  
 cundum quid, qvi posterior in Specie dicitur progressi-  
 vus & spontaneus, & comes est animæ sensitivæ,  
 quippe qvi ab interno principio animalis, anima ni-  
 mirum motrice facultate prædicta, etjam pro lubitu  
 se habet indifferenter ad celeritatem & tarditatem, ad  
 latus dextrum vel sinistrum, deorsum, sursum vel re-  
 trorsum, & in quantum spirituum operâ perficitur  
 in corpore organico, propter varietatem organorum,  
 ad varios motus recipiendos apto; musculi enim &  
 nervi, à spiritu copioso & integro primū impulsi, lon-  
 ge sunt agiliores & vegetiores, quibus tandem paula-  
 tim exhaustis atque absumptis, flaccescunt nervi & de-  
 bilitati concidunt, donec spiritibus plane destituti, ne-  
 cessariò demum inlequitur immobilitas & defatigatio.  
 Nostram sententiam Pererius Lib. 14. C. 3. pag. 748. pro-  
 pugnat. Ita enim loquitur: *Hac sententia mibi qui-  
 dem videtur ceteris probabilior: tum quod aliæ mani-  
 festis, necessariisque rationibus refelluntur atque convin-  
 cuntur: contra hanc verò ne probabile quidem argumentum  
 fingi*

figi potest: tum quod hac nibil ponit quod non sit con-  
gruens & rationi & experientia, & quod non ex ipsa  
naturâ rerum depromptum esse videatur. In hac opinio-  
ne magis, quam in ceteris animus meus sibi satisfacit, in  
hac unâ maxime conquietescit. Idem etiam videtur in-  
tendere Aristoteles qui in Lib. de Quæst. Mechanicis  
quæst. 19. affirmat: motum corporis ipsa motione &  
agitatione augeri & celeriorem fieri. Qui de hisce  
plura desiderat, adeat, velimus Zabarellam Lib. I. de motu  
gravium & levium Cap. 15: 18. 17. p. 302. & seqq. Ubi  
contrarias opiniones recenset, tandemque nostram  
multis rationibus stabilit atque corroborat sententi-  
am. Multis pariter exemplis hoc nostrum assertum de-  
clarari posset, sed brevitati studentes iis enumerandis  
supercedemus.

Jam ad membrum Thesios posterius aërem esse  
causati motus violenti celerioris ab initio, in fine tar-  
dioris, ubi pariter dissidia sunt auctorum, nec circa i-  
dem eādem ratione modoque sentiunt, cum alia jam  
res sit & inversum plane negotium. Sicut in motu na-  
turali est quædam quoad principium & finem diffor-  
mitas, ita & in motu violento, nam illic in initio tar-  
ditas & in fine velocitas, hic modo contrario in prin-  
cipio celeritas, in fine tarditas. Magirus dividit motum  
per accidens in violentum & violentie expertem. Vio-  
lentum definit, ad quem nil confert natura mobilis, sed  
vi perficitur: cuius species quatuor constituit, Pulsionem,  
tractionem, vectiōnem, & vertiginem. Violentiæ verò  
expertem vocat, cum aliquid movetur ad motum alte-  
rius: ut, cum motâ navi, navita quoque quiescens mo-  
vetur. Verum huic posteriori distributioni non subscri-  
bimus,

bimus, quia unum idemque hoc exemplum de navi motâ, & navita , adfert ad motum violentiæ expertem, & ad motus violenti speciem ventionem scilicet, nihilque discriminis dare potest inter has, nec distingvuntur definitionibus à Magiro adhibitis. Violentum enim ait esse, ad quem nil confert natura mobilis. Atqui ad motum violentiæ expertem natura mobilis & ipsa nil confert. Contenti itaque sumus illa motus divisione quam sicut nobis *Sperlingius*, in naturalem & violentum: hujus Species sunt *pulsio*, *tractio* &c. Omne enim movens, si fuerit causa interna motus naturalis; si externa, motus violentus est. Sic motus lapidis in altum projecti non est à sua forma, quia est violentus, omne violentum naturæ inimicum , sed est à causa quadam externa. Jam quærat quis, unde jam est ille lapidis continuatus motus etiam à projiciente separatus? eum aut à virtute moventis, aut à virtute mobilis seu seipso, aut à virtute medii, aut à nullo esse, necesse est. At non est à virtute moventis: quia ibi non datur contactus, cum videmus eum separatum esse à projiciente, & non amplius tangi: *unio namque necessaria requiritur inter agens & patiens*. Nec est à virtute mobilis seu causa interna, quia motus ille contra naturam fit , & nihil in rerum natura seipsum movet motu violento : neque à nullo est: quia quicquid movetur, ab alio movetur. Jam restat ipsum medium, quod adversarii pro causa non agnoscunt, ob rationes, quas modo subnectemus. Verum recurrent etiam non nulli magni nominis Philosophi ad virtutem quandam motivam, quæ inprimi debeat à projiciente ,quam ita describunt: *Cum lapis jaeitur, illà vi & impulsu projectionis, inprimi in eo à projiciente virtutem quandam moti-*

motivam, quæ inherens in lapide, movet ipsum cum est disjunctus à projiciente: movet autem per tantum spatum, quanta est virtus motiva: hæc autem tanta est, quanta fuit contentio, vis & impulsus projicientis, cum primum lapidem projectit, eique virtutem banc impressit. Huic sententiæ favet Combachius Lib. I. Physic. Cap. 7. p. 193. 94. Etiam Septalius, qui hæc verba prioribus addit: Hæc vero impressio nihil aliud est, quam forma quædam accidentalis, conservans in ipso mobili virtutem agentis, ut motus continuari & perpetuari possit. Scaliger etiam huic sententiæ suffragatur, & motionem formam impressam salutat. Omnis actio, inquit, aut est forma accidentalis, à quâ nonnunquam opus apparet manifestum, atque etiam extat ut compactio navis &c, de quo videatur Exerc. 28. S. I. Hæc sententia ut plurimis, ita inextricabilibus implicatur difficultatibus. Nam stante hac (1) Accidens numero idem migraret de subjecto in subjectum, ut hic de projiciente in lapidem projectum, quod communii Lògicorum ore est explosum. (2) sequeretur virtutem impressam, quæ illis qualitas motiva audit, esse levitatem cum lapidem sursum, & esse gravitatem cum eum deorsum movet, & sic qualitates motivæ suspenderentur ab arbitrio projicientis: quod ἀτονού, qualis autem sit cum dextrorum vel sinistrorum movetur, scire avet. (3) Virtutem illam sursum moventem, aut dices convenire specie cum levitate aëris, aut etiam differre, at convenire non potest, quia obstant diversæ causæ efficientes, & modus agendi diversus. Si rursus dicas differre, tum non potis est ferre lapidem secum in sublime, & eundem cum levitate aëris occupare locum. Denique duo levia uni gravitati terræ opponerentur. (4) Sequeretur motum localem novam aliquam formam producere,

quod negat Arist. 8. *Physic. text. 59.* Alia ut taceamus absurditatum, plaustra, quæ exinde deducunt & evincunt alii. Nos igitur veriorem & tutiorem viam secuti, illius motus violenti ab initio velocioris, causam, ipsum quoque medium esse asseveraramus: quam causam alii, ut Plato, appellant *Antiperistasis*, teste *Scaligero Exerc. 28. S. I.* Quod medium ut servet suam continuitatem & penetrationum dimensionem, vacuumque impedit, à lapide dissipatum sese unit, ut postea exemplo aëris expeditum dabimus. Videatur *Zabarella Lib. I. de motu gravium & levium.* *Pererius Lib. 14. de var. & divis. mot. C. 5. pag. 749.* Hoc medium motus istius causam faciunt duplíciter, alii respectu aëris impellentis, alii respectu ejusdem cedentis. Priori hoc modo & ratione impellentis, agnoscimus aërem esse causam motus, posterioris non, quia ex posteriori inferunt quod aér potissimum hunc motum habet propter ipsum vacuum, quod impedire & supplere necessum habet. Aërem namque fugientem & subtrahentem se lapidi, si non lapis identidem absque ulla mora succederet, vacuum dari nemo inficias eat. Sed occurrit *Scaliger:* Ecce, inquit, quemadmodum non per impulsione instantis aëris, ut Plato, sed per cessionem impulsus: cuius in locum subeat aér, ne vacuum detur. Quæ tamen ratio nequam nobis satisfacere demonstravimus. Non enim potest antecedens aér velocius moveri, quam movetur lapis, à quo semel est impulsus aér ille. Nam quomodo moveretur magis, quam ipsum movens moveret? Itaque major est difficultas ad intelligendum, quam natura fultus aér subtrahat se lapidi, à quo non est per se pulsus: quam quo-

quomodo lapis à non tangente manu moveatur, quæ il-  
lum per se primò pepulit &c. Basso Lib. de Motu, art. 2,  
non paucis verbis hanc profligat. Proinde si aér lon-  
gius procurreret ipso lapide, tum longe facilius foret  
alium aërem transversum intercedere, quam lapidem  
succedere in locum, qui corpus est maximè durum, so-  
lidum atque grave, & propter violentiam illam naturæ  
ejus maximè repugnat. Priorem illam divisionem (quâ  
medium ratione aëris impellentis causam faciunt) ex-  
plicaturi, paucis verbis indicabimus illam esse nostram,  
& simul demonstrabimus quam congrua, tuta, & præ ce-  
teris explicabilis illa sit. Exemplum haud obscurum sup-  
peditat nobis lapis, qui ē manu projectus primam vim  
atque virtutem debet ipsi moventi, cuius impulsu divi-  
dit, rumpit, atque propellit aërem: Illa sectio atque  
fractio cum sit contra naturam atque continuatatem a-  
ëris, (unionem enim quamlibet naturam amare superi-  
us inculcavimus) partes ejus divisæ, ne relinquatur vacu-  
um, magno impetu ad sui unionem ruunt, quo concur-  
su protrudunt lapidem, sed non tanta vi, qvanta fuit prima  
à projiciente. Illa iterum virtute, quam protrusus lapis  
nactus est, rursus alium aërem disjicit atque secat, qui  
aér dissipatus concurrendo protrudit denuò projectum.  
Quo iterum iterumque facto, utriusque vires atque  
impetus debilitantur atque senescunt, donec tandem pe-  
detentim per imminutionem continuam inclinet ad  
centrum, & à naturâ sibi destinatum locum petat, quò  
quiescat. Manum nobis hac in re porrigunt Aristote-  
les in Lib. de Qvæst. mech. q. 33. Themistius & alii. Idem  
valet de sagitta per nervum arcus excussâ, globulo ē bom-

barda vi pulveris pyri explosō, aliisque motibus violētis. Quod autem obstent nobis hisce suis machinis, non tantae sunt, quin levi ratiocinationis brachio everti queant.

1. *ratio* hæc est: cur non lapis projectus in sublime, à vento etiam vehementissimo longius ferretur, quam cum manu aut nervo arcus projicitur. 2. *ratio* cur pluma non habet vim dividendi aërem? & cur non majori facilitate pluma quam lapis impellitur. 3. *ratio*: Quomodo aër naturâ inquietus, fluctuans & vagus possit tam directe & modo regularissimo dirigere telum, ut feriat scopum & non potius ad suum locum sursum, aut fortè ad alterutrum latus tendat? Hæ difficultates propositæ non tanti sunt momenti, ut assertum nostrum infringere valeant. Itaque breviter ad singula respondebimus: Primum quod attinet argumentum: tum quamvis flet ventus, & aër totus commoveatur, non tamen ita unitus & conjunctus movetur, ac tum, cum pars aëris per lapidem à projiciente propellitur. Ideoque non tantam habet efficaciam ad protrudendum lapidem & motum continuandum. Ad secundum dicimus: aërem non propellere projecta, nisi à projectis primò protudatur, atque pluma, stramen &c. non habent dividendi vim, ergo nec promoventur longius. Lrides verò, sagittæ & globuli, cum insigni vi aërem dividendi polleant, vicissim propelluntur ab aëre vehementer. Tertium quod concernit: ad id tenendum, rationem referendam esse in ipsum jaculatorem, qui per linéam quandam rectam sagittam dirigendo, directe & regulariter dividit aërem, qui aër disjectus, in eadē linéa protrudit sagittam vel globulum, eosque, quo

prædestinatam metam attingere queat. Atque hec erant, quibus breviter objectiunculam enervare animus fuit, ut taceamus quod non minus sui ipsorum de virtute impressa, statuminationi accommodari, & æquè ac nostrum assertum solicitare videtur. Et si adhuc ultimo quis de tanta aëris vi & potestate in corpora gravia, & studio servandi continuitatem dubitet, ille perpendat, velim spirituum & flatuum in animalibus virtutem, actiones item aëris in terræmotu, tonitru, fulmine ventis &c. æquâ lance etiam ponderet experimentum non minus jucundum quam utile, quod enarrat Curaus Lib. 2. de sensu & sensibil. Cap. 38. p. 209. & seqq. Miranda, infit, naturæ industria est, in servanda corporum mundi contiguitate. Explosa fuit bombarda in quodam conclavi, orbes vitrei universi ex fenestrâ excusci sunt, & quidem omnes cecidere in ipsum conclavis pavimentum, non in proximam viam. Ratio manifesta est, quia aëris ille fragore repente, & violenta ratione fuit divisus, ne verò daretur vacuum, latentes aëris partes subito se uniére, & simul magnâ violentiâ eum, qui erat extra fenestras, aërem attraxere, qui dum confertim & cum suo violentiâ irrumpit, vitrum confregit. Hæc ille ex Marco Antonio Paffero. At jam citra opinionem in destinatam molem crevisse cernimus opus, cum tamen præter hæc etiam nobis copiam fore credidimus; ad unum vel alterum Theorema ulterius tractandum, sed jam intermittere, & angustiora ingenii vela contrahere cogimur. Itaque Lector candide, candido affectu, candidos nostros ardua tentantes interpretare conatus, & simpli-

citatem.

citatēm brēverē que hanc expositionem propter temporis  
 angustias , subsidiorumqne defectum obortam, benignitatis  
 Tuæ oculo aspice. Quo facto nonnihil mihi, magis  
 Tibi, maximè Deo Te inservire putas, Qui talia auspi-  
 canti, felicem ingressum, feliciorem progressum, feli-  
 cissimumque egressum largitur paternè. Cui operum  
 nostrorum Ductori & Directori, sit laus, honor,  
 & gloria, in secula nunquam  
 terminanda!!!

